

Broj: 01-01.3-4585-13/17 MA
Datum: 05.03.2018. godine

Na osnovu člana 70. Zakona o javnim nabavkama ("Službeni glasnik BiH" broj 39/14), te člana 15. Pravilnika o javnim nabavkama JP „Autoceste FBiH“ d.o.o. Mostar, broj: NO-1.01-724-11/15 od 24.02.2015. godine i preporuke Komisije za javne nabavke konstatovane u Zapisniku o pregledu i ocjeni konačne ponude, broj: 01-01.3-4585-12/17 MA od 05.03.2018. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o izboru najpovoljnijeg ponuđača
u pregovaračkom postupku s objavom obavještenja

I

Ugovor za nabavku roba: "Nabavka uređaja za inspekciju kanalizacionog sistema i prikupljanje podataka za izradu digitalnog katastra" u vrijednosti od 131.040,00 KM sa uračunatim PDV-om dodjeljuje se ponuđaču: „AGRA - TRGOVINA" d.o.o. Zagreb, Hrvatska, koji je u pregovaračkom postupku sa objavom obavještenja dostavio prihvatljivu konačnu ponudu.

II

Ugovor se zaključuje nakon provedenog pregovaračkog postupka s objavom obavještenja koji je proveden nakon što u otvorenom postupku ponuđač „AGRA - TRGOVINA" d.o.o. Zagreb, Hrvatska, nije ispunjavao sve kvalifikacione uslove, te je pozvan da otkloni nedostatke u svojoj ponudi, odnosno da ponudu učini prihvatljivom. Obavještenje o nabavci, broj: 266-1-1-408-3-143/17 objavljeno je na Portalu javnih nabavki dana 13.11.2017. godine. U provedenom postupku zaprimljena je jedna konačna ponuda, a ista ispunjava sve uslove i zahtjeve propisane tenderskom dokumentacijom.

III

U skladu sa članom 70. stav (6) Zakona o javnim nabavkama (u daljem tekstu: Zakon), JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

IV

Ova Odluka stupa na snagu danom donošenja.

O b r a z l o ž e n j e

JP „Autoceste FBiH“ d.o.o. Mostar je u skladu sa čl. 14. stav (4), 18. stav (1) i 19. stav (1) Zakona pokrenulo otvoreni postupak za nabavku roba: "Nabavka uređaja za inspekciju kanalizacionog sistema i prikupljanje podataka za izradu digitalnog katastra". Na Portalu javnih nabavki



objavljeno je Obavještenje o nabavci broj: 266-1-1-408-3-143/17 objavljeno dana 13.11.2017. godine. Kriterij za dodjelu ugovora je „najniža cijena“.

Budući da je u otvorenom postupku zaprimljena samo jedna ponuda, koja nije ispunjavala sve zahtijevane uslove kvalifikacije, ugovorni organ je u skladu sa Odlukom o prelasku otvorenog postupka u pregovarački postupak s objavom obavještenja, broj: 01-01.3-4585-8/17 MA od 14.02.2018. godine sa ponuđačem „AGRA-TRGOVINA“ d.o.o. Zagreb, Hrvatska, nastavio postupak putem pregovaračkog postupka s objavom obavještenja na osnovu člana 20. stav (1) tačka a) Zakona, koji propisuje da ako u otvorenom ili ograničenom postupku ili u postupku takmičarskog dijaloga dobije sve ponude koje ne ispunjavaju uslove kvalifikacije, a osnovni uslovi za dodjelu ugovora se nisu bitno promijenili, ugovorni organ nije obavezan ponovo objaviti obavještenje o nabavci, pod uslovom da pozove sve ponuđače, odnosno kandidate da otklone nedostatke u svojim ponudama, te svoje ponude učine prihvatljivim.

Na osnovu Obavještenja o nabavci, tenderske dokumentacije i provedenih pregovora ponuđač „AGRA-TRGOVINA“ d.o.o. Zagreb, Hrvatska, je do termina predviđenog za predaju konačnih ponuda dostavio svoju konačnu ponudu dana 03.02.2018. godine.

Nakon pregleda i ocjene konačne ponude Komisija imenovana rješenjem broj: 01-01.3-4585-3/17 MA od 05.03.2018. godine je ocijenila da je konačna ponuda prihvatljiva, odnosno da ispunjava sve uslove propisane tenderskom dokumentacijom, što je evidentirano u Zapisniku o pregledu i ocjeni konačne ponude u pregovaračkom postupku s objavom. Komisija za javne nabavke je dala prijedlog ugovornom organu da ugovor za nabavku roba: „Nabavka uređaja za inspekciju kanalizacionog sistema i prikupljanje podataka za izradu digitalnog katastra“ u vrijednosti od 131.040,00 KM sa uračunatim PDV-om dodjeli ponuđaču „AGRA-TRGOVINA“ d.o.o. Zagreb, Hrvatska, koji je u pregovaračkom postupku s objavom obavještenja jedini dostavio konačnu ponudu, te je ista prihvatljiva.

Shodno navedenom ugovorni organ je prihvatio prijedlog Komisije i donio Odluku kao u dispozitivu ove Odluke.

Pouka o pravnom lijeku:

Protiv ove Odluke može se uputiti žalba u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi putem Ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Zapisnik o pregledu i ocjeni ponuda

**izvršni direktor
za upravljanje i održavanje:**

.....
Marin Jelčić, dipl.ing.saob.

direktor:

.....
Adnan Terzić, dipl.ing.



AT

Broj: 01-01.3-4585-12/17 MA
Datum: 05.03.2018. godine

U skladu sa članom 65. Zakona o javnim nabavkama („Službeni glasnik BiH“, broj: 39/14), članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 14. Pravilnika o javnim nabavkama JP „Autoceste FBiH“ d.o.o. Mostar, broj: NO-1.01-724-11/15 od 24.02.2015. godine, Komisija za javne nabavke, imenovana rješenjem broj: 01-01.3-4585-3/17 od 17.11.2017. godine, dostavlja:

ZAPISNIK O PREGLEDU I OCJENI KONAČNE PONUDE u pregovaračkom postupku s objavom obavještenja

- a) **Naziv i sjedište ugovornog organa:** JP „Autoceste FBiH“ d.o.o. Mostar;
- b) **Predmet nabavke:** Nabavka roba: „Nabavka uređaja za inspekciju kanalizacionog sistema i prikupljanje podataka za izradu digitalnog katastra“;
- c) **Evidencijski broj nabavke:** 01-01.3-4585/17 MA;
- d) **Vrsta postupka javne nabavke:** Pregovarački postupak s objavom obavještenja, u skladu sa članom 20. stav (1) tačka a) Zakona o javnim nabavkama;
- e) **Procijenjena vrijednost nabavke:** 115.000,00 KM (bez PDV-a);
- f) **Broj obavještenja o nabavci sa Portala javnih nabavki:** 266-1-1-408-3-143/17, objavljeno dana 13.11.2017. godine;
- g) **Datum početka pregleda i ocjene konačne ponude:** Komisija je počela sa pregledom konačne ponude 02.03.2018. godine;
- h) **Naziv i sjedište svih ponuđača, prema redoslijedu zaprimanja ponuda:** Komisija za javne nabavke za predmetni postupak je utvrdila da je do krajnjeg roka za dostavljanje konačnih ponuda, blagovremeno zaprimljena 1 (jedna) konačna ponuda i to ponuđača „AGRA - TRGOVINA“ d.o.o. Zagreb, zaprimljena dana 02.03.2018. godine u 10:50 sati, sa ukupnom ponudenom cijenom u iznosu od 112.000,00 KM bez uključenog PDV-a;
- i) **Podatke o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata;
- j) **Informacije o produženju perioda važenja ponuda u skladu sa članom 60. stav (2):** Nije traženo produženje perioda važenja ponuda;
- k) **Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** U ponudi nisu uočene ispravke;



I) Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:

	ANALIZA, PREGLED I OCJENA PONUDA	NAZIV PONUĐAČA
R. B.	Nabavka uređaja za inspekciju kanalizacionog sistema i prikupljanje podataka za izradu digitalnog katastra	„AGRA - TRGOVINA“ d.o.o. Zagreb
a.	Kvalifikacioni uslovi:	
1.	<p>Lična sposobnost - kvalifikacija prema članu 45. ZJN:</p> <p>USLOVI: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrđi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p>DOKAZ: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 6 tenderske dokumentacije.</p>	+*
2.	<p>Sposobnost obavljanja profesionalne djelatnosti:</p> <p>USLOV: Što se tiče sposobnosti za obavljanje profesionalne djelatnosti ponuđači moraju biti registrovani za obavljanje djelatnosti koja je predmet javne nabavke.</p> <p>DOKAZ: U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.</p>	+



STB

3.	<p>Tehnička i profesionalna sposobnost:</p> <p>USLOVI: Što se tiče tehničke i profesionalne sposobnosti, ponuđači trebaju ispuniti slijedeće minimalne uslove, a koji se mogu potvrditi sa dokazima iz člana 49. Zakona, a to su:</p> <p>a) uspješno iskustvo kao osnovnog ugovarača u realizaciji najmanje 1 (jednog) ugovora za isporuku predmetnih roba minimalne vrijednosti 100.000,00 KM u posljednje 3 (tri) godine;</p> <p>b) obezbjeđena servisna podrška za robu u okviru ovlaštenih servisa u Bosni i Hercegovini.</p> <p>DOKAZI: Ocjena tehničke i profesionalne sposobnosti ponuđača će se izvršiti na osnovu jednog ili više dokaza:</p> <p>a) spisak izvršenih ugovora o isporuci robe koja je predmet nabavke u posljednje 3 (tri) godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine.</p> <p>Uz spisak izvršenih ugovora ponuđač je dužan dostaviti jednu potvrdu koju je izdao primalac robe, minimalne vrijednosti 100.000,00 KM, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede;</p> <p>b) izjava ponuđača kojom potvrđuje da je sposoban pružiti servisnu podršku za robu u okviru ovlaštenih servisa u Bosni i Hercegovini.</p> <p>Ponuđač je dužan dostaviti u sastavu ponude originale ili ovjerene kopije dokumenata kojim dokazuje tehničku i profesionalnu sposobnost.</p>	<p style="text-align: right;">+</p> <p style="text-align: right;">+</p> <p style="text-align: right;">+</p> <p style="text-align: right;">+</p>
----	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-------------------------------------------------------------------------------------------------------------------------------------------------



AB

4.	Izjava iz člana 52. Zakona data u Aneksu 7 ili 7.1	+
b.	Ispunjenost uslova u pogledu dostavljanja svih potrebnih dokumenata prema sadržaju ponude:	
1.	Popunjen Obrazac za konačnu ponudu koji je dat u Aneksu 2 tenderske dokumentacije	+
2.	Popunjen Obrazac za cijenu konačne ponude koji je dat u Aneksu 3 tenderske dokumentacije	+
3.	Popunjen Obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj obrazac ukoliko imaju povjerljivih informacija)	+
4.	Potpisan Nacrt ugovora koji je dat u Aneksu 5 tenderske dokumentacije	+
5.	Izjava o ispunjavanju uslova iz člana 45. Zakona o javnim nabavkama data u Aneksu 6 tenderske dokumentacije	+
6.	Garancija za ozbiljnost ponude u skladu sa formom datom u Aneksu 8 tenderske dokumentacije, sa propisanim rokom važenja (do 28.06.2018. godine) i u traženom iznosu (1.700,00 KM)	+
7.	Parafirana tehnička specifikacija robe data u Aneksu 10 tenderske dokumentacije	+
8.	Izjava o namjeri podugovaranja (ukoliko ponuđač ima namjeru podugovoriti dio ugovora) data u okviru Aneksa 2 tenderske dokumentacije	+**
9.	Dokumenti kojima se dokazuje ispunjavanje uslova za primjenu preferencijalnog tretmana domaćeg data u okviru Aneksa 2 tenderske dokumentacije	n.p.
10.	Popis dokumentacije koja je priložena uz ponudu	+
11.	Tehnička dokumentacija, katalogi, šeme i drugi štampani materijal koji sadrži važne i relevantne informacije koje se odnose na predmet nabavke te iz kojih su vidljive tražene tehničke karakteristike robe;	+
c.	Prikaz prihvatljivosti ponuda prema obliku sadržaju i potpunosti	
1.	Cjelovitost ponude, Uvezana u cjelinu /knjiga, obezbjeđena jemstvenikom/	+
2.	Ponuda napisana neizbrisivom tintom	+
3.	Pravilno numerisana ponuda	+
4.	Ponuda napisana na jednom od službenih jezika u BiH	+
5.	Ispravke u ponudi	+
6.	Računske greške	+
7.	Izmjene/dopune ponude i odustajanje od ponude	n.p.
8.	Ponuda potpisana od strane ovlaštene osobe	+
9.	Dostavljena kopija ponude	+
PRIHVATLJIVOST PONUDE (DA/NE):		DA

Napomena: (+) u skladu sa tenderskom dokumentacijom **zadovoljava**; (-) u skladu sa tenderskom dokumentacijom **ne zadovoljava**;

(*) Uz Izjavu o ispunjavanju uslova iz člana 45. Zakona o javnim nabavkama, ponuđač je dostavio sve dokumente kojima se dokazuje ispunjenost uslova iz člana 45. stav (1) tačke a) do d) Zakona, u skladu sa važećim propisima u zemlji u kojoj je registrovan;



AT

(**) Ponuđač nije izrazio namjeru podugovaranja;

n.p. – nije primjenjivo.

- m) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:** nema ponuđača čije se ponude isključuju;
- n) Prikaz traženih i dostavljenih garancija za ozbiljnost ponude:** Ugovorni organ je zahtijevao bankarsku garanciju za ozbiljnost ponude u iznosu od 1.700,00 KM (slovima: hiljadusedamstotina konvertibilnih maraka i 00/100KM) sa rokom validnosti 28 dana duže od propisanog roka važenja konačne ponude odnosno ukupno 118 (stotinuosamnaest) dana. Ponuđač je dostavio zahtjevanu bankarsku garanciju sa propisanim rokom važenja, na propisani način;
- o) Podaci o pojašnjenju ponuda:** Nije traženo pojašnjenje ponuda;
- p) Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljena ponuda je uredno zapakovana, obrasci čitko popunjeni, cijena bez PDV-a upoređena u obrascima Aneks 2 i Aneks 3, identična u oba obrasca;
- q) Provođenje e-aukcije u skladu sa Pravilnikom o uslovima i načinu korištenja e-aukcije („Sl.glasnik BiH“ broj 66/16):** U ovom postupku je predviđeno provođenje e-aukcije, ali kako je zaprimljena samo jedan ponuda, koja je pri tome neprihvatljiva, e-aukcija se ne može zakazati.
- r) Analitički prikaz traženih i dostavljenih dokaza profesionalne i tehničke sposobnosti ponuđača:** U skladu sa tačkom l) ovog Zapisnika;
- s) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Zaprimljena ponuda ispunjava sve zahtjeve u pogledu opisa predmeta nabavke i tehničke specifikacije;
- t) Podaci o ispravkama računskih grešaka u ponudama ako ih je bilo:** Nije bilo računskih grešaka u zaprimljenoj ponudi;
- u) Razlozi za odbijanje ponude zbog neprirodno niske cijene:** Nije primjenjivo;
- v) Analiza prihvatljivih ponuda prema kriteriju za izbor ponude:** Kriterij za dodjelu ugovora je „najniža cijena“. Budući da je konačna ponuda ponuđača „AGRA- TRGOVINA“ d.o.o. Zagreb, Hrvatska, jedina prihvatljiva i ispunjava sve kvalifikacione, kao i ostale uslove propisane tenderskom dokumentacijom, te su dostavljeni svi dokazi propisani tenderskom dokumentacijom, na propisan način, Komisija za javne nabavke daje preporuku da se ugovor za predmetnu nabavku dodijeli navedenom ponuđaču, sa ukupnom ponudenom cijenom u iznosu od 131.040,00 KM, sa uključenim PDV-om;



AS

- w) **Rangiranje prihvatljivih ponuda prema kriteriju za izbor ponude:** Kriterij za dodjelu ugovora je „najniža cijena“.

Naziv ponuđača	Cijena bez PDV-a	Popust	PDV (17%)	Ukupna cijena sa PDV-om
1. „AGRA-TRGOVINA“ d.o.o. Zagreb, Hrvatska	112.000,00 KM	-	19.040,00 KM	131.040,00 KM

- x) **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** „AGRA-TRGOVINA“ d.o.o. Zagreb, Hrvatska, iz razloga što je jedini dostavio konačnu ponudu, a konačna ponuda je prihvatljiva odnosno ispunjava sve uslove propisane tenderskom dokumentacijom;
- y) **Podaci o dijelu ugovora koji se daje u podugovor i podatke o podizvođaču:** Ponuđač nije izrazio namjeru podugovaranja;
- z) **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** S obzirom da je izabrani ponuđač „AGRA-TRGOVINA“ d.o.o. Zagreb, Hrvatska, uz ponudu dostavio originale svih zahtijevanih dokumenta kojima dokazuje ispunjavanje uslova lične sposobnosti iz člana 45. Zakona, u skladu sa zakonima države u kojoj je registrovan, nije dužan iste dostavljati nakon prijema Odluke o izboru najpovoljnijeg ponuđača, a u skladu sa Napomenom iz tačke 7.1.4 tenderske dokumentacije.
- aa) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje prijedlog direktoru Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar da donese Odluku o izboru najpovoljnijeg ponuđača kojom se ugovor za nabavku robe „Nabavka uređaja za inspekciju kanalizacionog sistema i prikupljanje podataka za izradu digitalnog katastra“ u ukupnoj vrijednosti od 131.040,00 KM sa uračunatim PDV-om, dodjeljuje ponuđaču „AGRA-TRGOVINA“ d.o.o. Zagreb, Hrvatska, koji je jedini dostavio konačnu ponudu, a konačna ponuda je prihvatljiva odnosno ispunjava sve uslove propisane tenderskom dokumentacijom.
- bb) **Datum završetka postupka pregleda i ocjene ponuda:** Komisija je završila pregled i ocjenu ponuda dana 05.03.2018. godine;



AB


cc) Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.): -

- kopija Zapisnika o pregovorima, broj: 01-01.3-4585-10/17 MA od 21.02.2018. godine.

dd) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Melika Alajbegović, predsjednik komisije 

Amra Kahrmanović, član komisije 

Mario Rotim, član komisije 

Za sekretara Komisije imenovana je Nura Suljanović-Litrić.

Saglasan: ✓





Adnan Terzić, dipl.ing.,
direktor



Identifikacijski broj 4227691540005 PDV broj 227691540005

Glavni račun: Union banka Sarajevo 1020010000014039

Transakcijski račun: Raiffeisen bank dd Sarajevo, glavna filijala Mostar 1610200062470038

Federalna taksa za korištenje autoceste: 1610200062470232 i 3386902296565422

Naknada za korištenje cestovnog zemljišta: 1610200062470135 i 3386902296564549



Broj: 01-01.3-4585-10/17 MA

Datum: 21.02.2018. godine

ZAPISNIK O PREGOVORIMA

Ovaj zapisnik sastavljen je dana 21.02.2018. godine u 11:30 sati u JP „Autoceste Federacije BiH“ d.o.o. Mostar, Operativni ured Sarajevo, na adresi Hamdije Kreševljakovića 19 u Sarajevu, u postupku javne nabavke za isporuku roba: „Nabavka uređaja za inspekciju kanalizacionog sistema i prikupljanje podataka za izradu digitalnog katastra“ putem pregovaračkog postupka s objavom obavještenja, u skladu sa članom 20. stav (1) tačka a) Zakona o javnim nabavkama („Službeni glasnik BiH“ broj 39/14).

Prisutni:

1. Adnan Ferhatović – predstavnik ponuđača: „AGRA-TRGOVINA“ d.o.o. Zagreb, Hrvatska, po punomoći,
2. Melika Alajbegović, predsjednik komisije,
3. Amra Kahrimanović, član komisije,
4. Mario Rotim, član komisije.

Komisija za nabavke, imenovana Rješenjem broj: 01-01.3-4585-3/17 MA od 17.11.2017. je u Zapisniku o pregledu i ocjeni ponuda, broj: 01-01.3-4585-7/17 MA od 31.01.2018. godine, konstatovala da ponuda ponuđača: „AGRA-TRGOVINA“ d.o.o. Zagreb, broj: 04-12/17 SO od 04.12.2017. godine za nabavku roba „Nabavka uređaja za inspekciju kanalizacionog sistema i prikupljanje podataka za izradu digitalnog katastra“ ne ispunjava kvalifikacione uslove zahtijevane tačkom 7.3.1 b) tenderske dokumentacije, na osnovu člana 49. Zakona o javnim nabavkama (u daljem tekstu: Zakon) i to iz sljedećeg razloga:

Tačkom 7.3.1 tenderske dokumentacije „Tehnička i profesionalna sposobnost“, podtačka b) propisano je da ponuđači trebaju ispuniti slijedeći uslov: „obezbjeđena servisna podrška za robu u okviru ovlaštenih servisa u Bosni i Hercegovini“.

Za dokazivanje ispunjavanja navedenog uslova, tačkom 7.3.2 b) tenderske dokumentacije zahtijevana je: „Izjava ponuđača kojom potvrđuje da je sposoban pružiti servisnu podršku za robu u okviru ovlaštenih servisa u Bosni i Hercegovini“.

Međutim, kao dokaz o ispunjavanju uslova iz tačke 7.3.1 a) tenderske dokumentacije, ponuđač „AGRA-TRGOVINA“ d.o.o. Zagreb dostavio je:

1. Dokument „Popis stručnih osoba ponuditelja i opreme“ navedena je rečenica „Ujedno izjavljujemo da je tvrtka NEW GRADECO d.o.o. sa sjedištem u Kakanjska 4, 71 300 Visoko, BiH ovlašteni IBAK servis za BiH“;



AS

2. „Izjavu o servisu“ kojom se potvrđuje „da je tvrtka NEW GRADECO d.o.o., Kakanjska 4, 71 300 Visoko, Bosna i Hercegovina ovlaštenu servis partner za Bosnu i Hercegovinu“ izdatu od strane kompanije IBAK Helmut Hunger GmbH&Co. KG. Navedena potvrda nije dostavljena u originalu niti u ovjerenoj kopiji, kako je zahtijevano tačkom 7.3.3 tenderske dokumentacije, nego se radi o skeniranom aktu.

Pored toga što je „Izjava o servisu“ iz tačke 2. skenirana, odnosno nije dostavljena u originalu ili ovjerenoj kopiji, u ponudi nije dostavljen dokument iz kojeg je vidljivo da će kompanija NEW GRADECO d.o.o., Kakanjska 4, 71 300 Visoko, Bosna i Hercegovina, vršiti servis opreme koju nudi ponuđač „AGRA-TRGOVINA“ d.o.o. Zagreb, što znači da ponuđač „AGRA-TRGOVINA“ d.o.o. Zagreb nije dokazao da je obezbjedio servisnu podršku za robu koju nudi u okviru ovlaštenih servisa u Bosni i Hercegovini. Dakle, iz dostavljene „Izjave o servisu“ vidljivo je samo da je kompanija NEW GRADECO d.o.o., Kakanjska 4, 71 300 Visoko, Bosna i Hercegovina, ovlaštenu serviser IBAK robe u Bosni i Hercegovini, a ne i da vrši servis robe koju nudi ponuđač „AGRA-TRGOVINA“ d.o.o. Zagreb.

Na osnovu navedenog Ugovorni organ je donio Odluku o prelasku otvorenog postupka u pregovarački postupak s objavom obavještenja, broj: 01-01.3-4585-8/17 MA od 14.02.2018. godine kojom je odlučeno da se otvoreni postupak javne nabavke za isporuku roba: „Nabavka uređaja za inspekciju kanalizacionog sistema i prikupljanje podataka za izradu digitalnog katastra“, nastavi putem pregovaračkog postupka s objavom obavještenja, u skladu s članom 20. stav (1) tačka a) Zakona, koji propisuje da ako u otvorenom ili ograničenom postupku ili u postupku takmičarskog dijaloga dobije sve ponude koje ne ispunjavaju uslove kvalifikacije, a osnovni uslov za dodjelu ugovora nisu bitno promijenili, ugovorni organ nije obavezan ponovo objaviti obavještenje o nabavci, pod uslovom da pozove sve ponuđee, odnosno kandidate da otklone nedostatke u svojim ponudama, te svoje ponude učine prihvatljivim.

U dostavljenoj ponudi broj: 04-12/17 SO od 04.12.2017. godine, ponuđena je ukupna cijena za predmetne robe u vrijednosti od 131.040,00 KM sa uračunatim PDV-om.

Komisija je uputila poziv za pregovore dana 15.02.2018. godine. Zakazani su pregovori za 21.02.2018. godine u 11:30 sati. Ponuđač se odazvao pregovorima.

Pregovori o otklanjanju nedostataka i ponuđenoj cijeni vode se između Komisije za javne nabavke JP „Autoceste Federacije BiH“ d.o.o. Mostar i ponuđača: „AGRA-TRGOVINA“ d.o.o. Zagreb kojeg predstavlja ovlaštenu predstavnik ponuđača: Adnan Ferhatović, na osnovu dostavljene punomoći.

Pregovori se vode u prostorijama Operativnog ureda Sarajevo, Hamdije Kreševljakovića 19, Sarajevo. Melika Alajbegović, predsjednik Komisije za javnu nabavku JP „Autoceste Federacije BiH“ d.o.o. Mostar je kratko upoznala predstavnika ponuđača o problematici predmetne nabavke, elementima ponude i načinu pregovaranja, što će dovesti do međusobnog usaglašavanja, otklanjanja nedostataka i konačne ponude grupe ponuđača.

Predsjednik Komisije je detaljno upoznala predstavnika ponuđača sa nedostatkom zaprimljene ponude, pojasnila kako se može otkloniti navedeni nedostatak, te obrazložila način izrade konačne ponude, uz napomenu da se period važenja ponude kao i validnost ostale zahtjevane dokumentacije računa od novog datuma za predaju konačne ponude (starost dokaza o ispunjavanju uslova iz člana 45. Zakona cijeniti će se od novog datuma dostavljanja konačne ponude).

Iz ponude ponuđača broj: 04-12/17 SO od 04.12.2017. godine izuzeta je originalna bankarska garancija za ozbiljnost ponude, te je ista vraćena predstavniku grupe ponuđača da bi istu mogao produžiti odnosno obezbijediti bankarsku garanciju za ozbiljnost ponude sa rokom važenja 28 (dvadesetosam) dana dužim od perioda validnosti konačne ponude.



Predstavniku ponuđača odmah je uručen Obrazac za konačnu ponudu i Obrazac za cijenu konačnu ponude te je dogovoreno da se nakon provedenih pregovora, pripremi i dostavi konačna ponuda.

Konačna ponuda se dostavlja kao kompletna ponuda (u originalu i jednoj kopiji) prema zahtjevima iz tenderske dokumentacije broj: 01-01.3-4585-1/17 MA i dopune tenderske dokumentacije, broj: 01-01.3-4585-5/17 MA, te Obavještenja o nabavci broj: 266-1-1-408-3-143/17, koje je objavljeno na Portalu javnih nabavki dana 13.11.2017. godine i u „Službenom glasniku BiH“ broj 83/17.

8. 2. SADRŽAJ PONUDE

8.2.1 Ponuda treba da sadrži slijedeće elemente (član 58. Zakona):

- Popunjen Obrazac za konačnu ponudu koji je dat u Aneksu 2.1 tenderske dokumentacije;
- Popunjen Obrazac za cijenu konačne ponude koji je dat u Aneksu 3.1 tenderske dokumentacije;
- Popunjen Obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj Obrazac ukoliko imaju povjerljivih informacija);
- Potpisan Nacrt ugovora koji je dat u Aneksu 5 tenderske dokumentacije;
- Kvalifikaciona dokumenta u skladu sa tačkom 7 tenderske dokumentacije;
- Izjava o zajedničkoj ponudi, uz navođenje solidarne odgovornosti članova grupe ponuđača u skladu sa tačkom 7.4 tenderske dokumentacije (ukoliko ponudu dostavlja grupa ponuđača);
- Izjava o ispunjavanju uslova iz člana 45. Zakona koja je data u Aneksu 6 tenderske dokumentacije;
- Original ili ovjerena kopija dokaza o registraciji u odgovarajućem profesionalnom ili drugom registru u zemlji u kojoj je registrovan ponuđač ili da obezbjedi posebnu izjavu ili potvrdu nadležnog organa kojom se dokazuje njegovo pravo da obavljaju profesionalnu djelatnost, koja je u vezi sa predmetom nabavke;
- Originali ili ovjerene kopije dokumenta koji su traženi tačkom 7.3.2 tenderske dokumentacije, i to:
 - “7.3.2 Ocjena tehničke i profesionalne sposobnosti ponuđača će se izvršiti na osnovu jednog ili više dokaza:
 - a) spisak izvršenih ugovora o isporuci robe koja je predmet nabavke u posljednje 3 (tri) godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine. Uz spisak izvršenih ugovora ponuđač je dužan dostaviti jednu potvrdu koju je izdao primalac robe, minimalne vrijednosti 100.000,00 KM, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede;
 - b) izjava ponuđača kojom potvrđuje da je sposoban pružiti servisnu podršku za robu u okviru ovlaštenih servisa u Bosni i Hercegovini.
- Izjava o ispunjavanju uslova iz člana 52. Zakona koja je data u Aneksu 7 i 7.1 tenderske dokumentacije;
 - Tehnička specifikacija robe koja je data u Aneksu 10 tenderske dokumentacije parafirana od strane ponuđača;
 - Tehnička dokumentacija, katalozi, šeme i drugi štampani materijal koji sadrži važne i relevantne informacije koje se odnose na predmet nabavke te iz kojih su vidljive tražene tehničke karakteristike robe;



AB

- Izjava o namjeri podugovaranja (ukoliko ponuđač ima namjeru podugovoriti dio ugovora) data u okviru Aneksa 2 tenderske dokumentacije;
- Dokumenti kojima se dokazuje ispunjavanje uslova za primjenu preferencijalnog tretmana domaćeg odnosno Izjava data u okviru Aneksa 2 tenderske dokumentacije;
- Bankarska garancija za ozbiljnost ponude data u Aneksu 8 tenderske dokumentacije;
- Popis dokumentacije koja je priložena uz ponudu.

Ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude podnosilac ima pečat. U suprotnom je potrebno dostaviti dokaz da po zakonu države u kojoj je sjedište ponuđača podnosilac nema pečat.

Na pregovorima je ponuđač zamoljen da razmotri mogućnost iskazivanja popusta na ponuđenu cijenu u konačnoj ponudi.

Dogovoren je rok za dostavljanje konačne ponude najkasnije do 02.03.2018. godine do 11:00 sati na adresu: **JP „Autoceste FBiH“ d.o.o. Mostar, operativni ured Sarajevo, Hamdije Kreševljakovića 19, 71000 Sarajevo**, a javno otvaranje ponuda je zakazano istog dana u 11:30 sati.

Ovaj zapisnik sačinjen je u dva primjerka, od kojih jedan zadržava ugovorni organ, a drugi ponuđač.

Adnan Ferhatović – predstavnik ponuđača

Melika Alajbegović, predsjednik komisije

Amra Kahrmanović, član komisije,

Mario Rotim, član komisije

Adnan Ferhatović
.....
Melika Alajbegović
.....
Amra Kahrmanović
.....
Mario Rotim
.....

